

世界書局印行



景印
摘錄堂

四庫全書會要

卷一百一十七

部

世界書局印行



景印
摘藻堂

四庫全書薈要

史部
第一〇七冊
詔令類

復旦大學圖書館
藏

本冊目次

書名及撰人	卷次	頁次
硃批諭旨二百二十三卷（有上中下或之一：等分卷者以一卷計） 清雍正七年敕編	卷一百三十三至卷一百七十三	一九三一—

欽定四庫全書薈要

史部
硃批諭旨卷一百三十三

欽定四庫全書薈要卷八千七十二

史部

硃批諭旨卷一百三十三

硃批喬世臣奏摺

雍正九年十一月初二日通政司右通政署理蘇州巡撫臣喬世臣謹

奏為微臣重任難勝仰懇

聖訓遵循暫行辦理事竊臣備員下吏毫無寸長荷蒙皇上洪恩一載之內由知府疊次超擢晉秩京卿

欽定四庫全書

硃批諭旨
卷一百三十三

特敕署理江蘇巡撫印務聞

命之下感激涕零雖捐糜頂踵不足圖報於萬一惟有倍增悚惕竭廢奮勵以勉效犬馬微忱但江蘇地方為東南水陸通衢江海環遶內外戶口殷繁商賈叢集一切事務倍於他省兼以州縣各官因循苟且疲玩成風吏胥差役舞弊作姦巧偽百出以致刑政糾紛課賦逋積素稱難治臣才識短淺膺此鉅任受事以來日夜惴惴深以不能勝任為懼

詳校官編修臣繆晉

仰祈

皇上俯賜

聖訓指示開導俾臣得欽遵恪守庶免貽誤至江省吏

治廢弛積習相沿臣辦理臬司事務先後正署一

載有餘雖曾於刑名案件嚴行督飭各屬優劣得

悉其概未敢自信聞見即為確當無遺容臣再加

細心廉訪隨事試看除蕩檢踰閑曠官誤公者自

當立為

欽定四庫全書

硃批諭旨

卷一百三十三

二

題叅外其中或有尚知改過及到任未久者教誡數

月策勵自新以觀後效倘終不能悛并人地未宜

亦即具奏請

旨分別處分酌調不敢稍有因循又臣自雍正四年補

授知府以後六載在外未覲

天顏瞻戀微忱無刻自釋今遵

旨暫行辦理仰懇

皇上天恩早簡賢能畀理重務臣得入京奉職瞻就雲

日恭承

睿訓造就成人以抒犬馬依戀之私曷勝翹首仰望之

至伏乞

聖明睿鑒謹

奏

覽奏知道了竭力趲勉以盡乃職

同日又

奏為陳明地方年歲情形事竊照江蘇所屬十二府

欽定四庫全書

硃批諭旨

卷一百三十三

三

州今歲二麥俱係豐收夏秋之間雨暘時若田禾

暢茂查江寧蘇州常州鎮江等府收成均在九分

及八分以上揚州府通州並在八分以上淮安府

太倉州海州邳州俱在七分以上惟徐州并所屬

四縣於七月初旬因雨水稍多低窪田地被淹經

前署撫臣王國棟會同署督臣尹繼善據詳

題報并委員確勘果否成災去後茲據陸續覆稱該

州縣低窪處所收成雖畧歉薄已偏下麥種此外

高地尚無損傷俱未成災現飭取結另詳核

題至淮安府屬之山陽縣前據報於六月末旬連日大雨低窪之處被浸隨又據覆稱即經洩出田禾無礙又江寧府屬之江浦縣於七月初旬因黃山滁水發衝溢田圩太倉州屬之崇明縣於六月內潮信後適遇大雨淹及窪下沙地二縣水勢俱旋即退消勘未成災嗣於九月中旬有松江府屬之華亭婁縣奉賢青浦金山五縣田間忽生細蟲

欽定四庫全書

硃批諭旨
卷一百三十三

四

暗伏莖中潛食苗心無從撲救將實之穀轉成空粒隨據各地方官履畝確勘所幸一縣之內如有百餘圖者僅十數圖間生此蟲多寡不齊有無錯雜雖收成稍減統算不過十分之一二迨至雨後蟲類俱已消除至蘇松太諸府州與浙江之嘉湖等府向來收割獨遲今年十月內又連值陰雨目下尚在刈穫米價亦因近日多雨新穀未盡登場是以較前頗昂自一兩一錢四五分至一兩二

錢以上不等理合據實奏

聞臣查今歲江南偶爾被水諸處雖經勘未成災現在民情安堵端望來歲春收成熟即可接濟否則臨期尚須酌量撫恤惟目前漕務正殷而陞任蘇松漕務緊要暫留辦理甚是糧道馮景夏向於漕務能盡心督察是以暫留辦理倘甘汝來此際即能至蘇亦慮新舊接替吏竄乘機作弊似應仍用熟手協幫兌完起程庶免貽誤合併陳明伏乞

欽定四庫全書

硃批諭旨
卷一百三十三

五

皇上睿鑒謹

奏

覽奏俱悉

雍正九年十二月初七日通政司右通政署理蘇

州巡撫臣喬世臣謹

奏為請廣積貯以裕民食事竊照積貯為地方本計民食緩急攸資臣自署理江蘇巡撫事務隨查各州縣存倉糧石雖因賑濟一案藩司尚未造冊報

銷難以確定細數而約畧核算除由商人經營之鹽義倉竈倉外統計各州縣現在存倉之米僅二十餘萬石穀麥等項亦僅二十餘萬石再本年平糶價值於歸還運庫及浙省外餘銀仍飭買穀存貯并催還借出籽粒亦止可得穀十餘萬石又查有雍正四五兩年欽奉

諭旨採買米穀案內尚應買補米一萬餘石穀一十萬

石而合算江蘇通省備儲倉糧總視浙江河東等

欽定四庫全書

硃批諭旨
卷一百三十三

六

省獨少殊覺緩急未敷濟用臣愚以為地方積貯充裕方能有備無患今江省各州縣內多者計米不及萬石少者纔數千石自應照雍正五年所定數目大縣存米一萬五千石中縣一萬石小縣八千石穀則倍之務期存貯足數凡遇青黃不接之際令各府州縣預期報明出陳易新按照年景隨時酌量糶賣亦不必拘定存七糶三其價即解存府庫秋成一面報明一面領價買補還倉計有餘

價陸續多購則民食既得接濟倉庾日益充盈或

遇緩急攸需就近可以分撥應用其於地方不無

裨補惟是今冬因十月內多雨米價稍昂又有平

糶及雍正四五兩年應行買補米穀現在嚴飭該

州縣各按時值上緊採備足數其各州縣應行增

添備貯米穀一時難以並買請俟來歲秋成後再

為酌量款項動支銀兩委員赴產米地方分頭陸

續採買派貯至江寧蘇州常州鎮江四府戶口尤

欽定四庫全書

硃批諭旨
卷一百三十三

七

多設有用米之時附郭縣倉尚恐不繼可否俟各州縣購足之後再於此四府水路衝要可以四達之地另建府倉或貯米四五萬石或穀十萬石以備年歲不齊轉運撥濟之需其各處倉廩如有入官房屋相宜者即行改用無則漸次增添擇地建造臨時酌量調度臣因江省積貯未敷謬陳管見未敢冒昧具題是否可行仰請

聖明訓示欽遵謹

奏

該部查議具奏

同日又

奏為奏明事竊查江省各屬陋規歷經前任撫臣檄飭嚴查據實開報以憑分別酌定裁革充公而各屬率以竝未收受具覆及本年八月內前署撫臣王國棟訪有儀徵令夏慶譽私立引費名色婪侵

入已具疏

題叅在案隨據現任泰州知州江日容調任知州石

杰各首報該州亦有引費一項自雍正六年五月內起前任被叅知州褚世暄每引收費一釐共收過銀一千四百六十餘兩石杰任內共收過銀二千五十餘兩江日容於本年六月到任後亦收過銀一百八十餘兩臣思泰州從前原有鹽規一項

既經

欽定四庫全書

硃批諭旨
卷一百三十三

八

奏歸完餉何得復創引費名色接踵私收均難免婪

受之咎但查此項原始自褚世暄今該革牧前因被叅現在督臣衙門究審定擬其調任徐州知州石杰前在泰州尚能奮勉辦事江日容於無錫縣任內亦屬勤敏盡職均係才堪驅策之員可否念其已經自首仰邀

皇上格外有過寬仁暫免糾叅以責後效所收銀兩同

褚世暄一并勒追克公此後仍永行禁革臣未敢

欽定四庫全書

硃批諭旨
卷一百三十三

九

密奏暗結不足為憑且招物議應將該員等自首可恕

擅便理合奏明請

旨堪驅策情節聲明具疏題叅候朕降旨寬宥

旨欽遵再臣自到任後續據布政司查明江蘇所屬各衙門存有鹽規陋規等項造冊詳請分別禁革克

公前來臣查冊開兩淮鹽規除先經

題明克餉外尚有原載

奏存冊內銀一萬四百餘兩除河務各員名下一千九百餘兩向係商人津貼修理閘壩等費應聽河臣酌量留用其餘各員名下竝應提貯司庫以為

地方緊要有益民生之事備充公用每年彙冊報銷又雍正六年議給養廉後查據各屬開報有引費一萬九百餘兩俱係出自行銷之商人竝非取諸民間原無干礙但各員既給有養廉不當復取亦應竝解司庫存備緊要公務之用惟是裕課全在緝私可否於此內酌留一半為地方犒賞巡緝諸費以示分別勸懲似於鹽務疏銷亦得實效至此外查有當規共一千四百餘兩船規等銀九百

欽定四庫全書

味批諭旨

卷一百三十三

十

奏明伏乞

皇上睿鑒施行謹

奏

照請辦理應達部者咨明該部

同日又

奏為奏

聞事竊查知府一官為州縣表率最關緊要今常州府

知府魏化麟人亦誠實謹慎但審理案件依違遷延

魏化麟既不宜即請與督臣酌量具題請旨

欽定四庫全書

味批諭旨

卷一百三十三

十一

其以京職自効覺與郡守之任未宜又蘇州府知府周夢錦原慮其不勝蘇府之任曾經降旨命李衛到郡

衛署被竊其於剔弊懲姦亦力有不及若以處簡

僻府分自能勉盡職臣思知府係外省大員二

守尚非貪劣應糾者可比但因人地均未相宜理

合據實陳明恭請

睿裁至各州縣內如常州府屬之武進縣知縣任壽雖

由繁昌縣調補今職然審斷不能明晰遇事每致周章實不勝衝繁要地止可仍留江省以簡缺酌量補用又江寧府屬之溧水縣知縣吳廷賢凡遇民間爭訟不能剖決吏治全屬未諳查係舉人出身應令改就教職訓迪自効惟是二縣目下正值徵漕之際若一經

題請改調誠恐積蠹姦民乘機滋弊觀望延誤似應暫緩至允漕事竣容臣會同署督臣繕疏具

題合先一併

是

奏明再吳縣知縣吳棟自去歲留任以來頓改前操婪贓縱役民怨沸騰臣因銀匠陳德昇一案已經發審得實具疏糾參尚有另案婪索之款現在查究其所遺員缺於例不應

題補但地處緊要仰懇

皇上於記名人員內

特賜簡授在地方必有裨益即臣亦得就近收臂指之

欽定四庫全書

硃批諭旨

卷一百三十三

十三

效矣伏乞

睿鑒施行謹

奏

覽

雍正十年正月二十八日通政司右通政署理蘇州巡撫臣喬世臣謹

奏為奏

聞事竊臣自清江浦會審事竣回蘇途次接閱武進陽

欽定四庫全書

硃批諭旨

卷一百三十三

十三

湖兩縣詳文內稱雍正九年十二月二十一日晚隨總捕通判陳必選巡查本府監獄據快頭蘇茂等稟稱未起更時府堂上忽有皮箱一隻不知何自而來隨與總捕通判陳必選遊擊白琦守備蔡永銘開鎖看視內貯花紋圓木戳六箇方木戳五箇均無字跡大方木板一塊上刻人首龍身樹葉紋中刻一辛字另有木板一塊銀錠樣四角刻十兩銀子四字中刻一亥字又紅手本一箇上書中

天淨梵王頒行鈔格鑒定辛亥十兩銀子以今宣
降則先以飛龍刷金次加鈔錠刷銀辛字用孤御
璽以金印印拾字特賜華青侯以洋青印印兩字
特賜華赤侯以硃砂印印銀字特賜華黃侯以雌
黃印印子字特賜華白侯以鉛粉印印亥字特賜
華黑侯以油煙印印救命御弟同受掛印兼領鑲
旗排日輪管印鈔令御弟十五同伴看印半月接
駕以刻壬子此敕龍飛辛亥十二月十五日頒等

語臣細繹手本內所書不軌之詞甚屬怪誕乘夜
暗置府堂必有附近姦人通同陰謀且語氣又類
道家亦屬易於根究時臣舟過常郡知府魏化麟
尚在蘇州領價辦銅未回當即面諭武陽兩縣限
十日內嚴緝姦人務獲查究嗣據常州府報稱正
月初五日在東嶽廟拏獲道士趙秉中并在伊家
搜出紅揭等物比對字跡無異已據該犯供認不
諱等情具詳到臣因該府文內並未訊供叙入隨

即據詳駁飭一面差役帶檄武陽兩縣會審切供
去後直至二十一日始據錄供叙詳前來內開該
府縣歷經嚴訊據趙秉中供稱向好煉丹緣雍正
六年被管同受出首做銅銀子經前任陽湖縣枷
責懷恨計圖報復因於手本上寫御弟同受四字
下寫排日輪管的管字自然要向管同受追問可
消積恨不料弄巧成拙那天淨梵王是先前乩
裏批出來華青侯等俱是心上造出來寫的此外

竝無別情亦無同謀夥黨等語又訊據管同受供
稱從前因趙秉中煉丹弄成假銀騙人公同送縣
枷責是實據代趙秉中挑送皮箱之王二供稱係
途遇秉中得錢八文代為挑箱至府儀門內據雕
刻印板之匠人何志遠供稱止信為道家齋醮所
用得銀一兩六錢刻成花板木戳伊等均不知別
項情由等語臣查趙秉中將怪誕不軌之語寫藏
箱內私放府堂或有陷害情事亦未可知但該犯

素學煉丹邪術煽惑誑騙已非一日或見事敗藉此支吾均未可定其有無姦謀別圖尚當嚴究且前據該府稟稱搜有許多不軌揭帖今查詳文內竝不明白叙入亦不錄單密稟甚屬含混隨即批行按察司提犯至蘇親訊確供去後旋據該府稟報案內各犯已於二十四日經署督臣尹繼善提解江寧省城除咨會督臣俟訊明確情另

奏外理合先行奏

欽定四庫全書

硃批諭旨
卷一百三十三

十六

聞再常州府知府魏化麟臣前因其才不勝任奏蒙硃批與督臣酌商題請正在備文移商間今觀其辦理此案不特才具短拙且覺舉動憤憤難以委任但曾否將先後搜獲字跡呈送署督臣查閱見在咨詢合并奏明伏乞

皇上睿鑒謹

奏

已降諭督臣尹繼善矣寄字詢問自明

雍正十年三月二十四日通政司右通政署理蘇州巡撫臣喬世臣謹

奏為奏明事竊照制錢為民間日用必需比因錢價昂貴仰蒙

皇上念切民隱經畫周詳

特敕各省督撫諸臣收買黃銅器皿設局鼓鑄錢文搭放兵餉以資利用今臣備查江蘇等屬自雍正五年奉文收買黃銅器皿起據布政司詳報見今共

欽定四庫全書

硃批諭旨
卷一百三十三

十七

收生銅五十五萬九千四百斤零熟銅八十七萬一百斤零又因三十三卯起銅器熟多生少不敷配搭咨明戶部購買倭鉛白鉛共三萬餘斤配鑄接濟合算前後所收銅斤僅可供四十二卯之用自雍正八年七月二十五日開鑄起配至本年四月二十五日銅斤已完計共鑄出制錢一十五萬一千九百餘串除發給工料錢外實應放餉錢一十二萬八千三百餘串但近日各屬報收銅器漸

少蘇城雖有洋銅到岸止堪供各省採辦運解寶泉寶源二局之用不便購添而局內工匠不下五百餘人將來乏銅湊鑄即工食無出似應暫行停爐現在仍飭各州縣多方曉諭民間設法收買俟報有成數再請開鑄或隨同所辦條銅解部除候鑄竣另疏具

題外謹先奏請

訓示遵行再查淮揚徐邳一帶民間日用俱尚在兼使

欽定四庫全書

錢批諭旨

卷一百三十三

十六

舊小制錢而隣近如江西等省亦仍有一概行用

者近據淮安府稟獲江西人權起祥收買頂重小

制錢見起出八百餘串雖訊據供稱販往換賣但特檢重錢必非無故應嚴行查究有無銷燬情弊特揀重錢恐其中不無暗行銷燬打造銅器情弊

見飭嚴審確究移查并通行各屬申禁稽察合併

奏明伏乞

皇上睿鑒謹

奏

是

雍正十年閏五月初一日通政司右通政署理蘇州巡撫臣喬世臣謹

奏為恭報二麥收成數事竊照二麥有關民食江蘇所屬各府州佈種素廣閭閻竝賴接濟臣於入夏以來即檄飭確查收成數去後茲據十二府州陸續具報前來臣逐一查核如江寧蘇州松江常州鎮江揚州等府太倉通州等州去冬今春雨雪均屬及時收穫多者竟至十分少者亦在六分以上以一府州計之江寧蘇州揚州通州俱在八分以上松江常州鎮江太倉各有八分惟淮安一府及海州邳州徐州雨雪差少迨至四月末旬連得大雨二麥旋經暢茂克實淮安海州亦在七分以上邳州徐州在六分以上俱已刈獲登場至糧食價值自平糶後業已漸減小民莫不歡欣樂業感沐

欽定四庫全書

錢批諭旨

卷一百三十三

十九

皇仁見今又各乘時耕耨栽插肆力南畝再查淮安府之山陽清河揚州府之寶應等處前聞偶有蝻子生發臣當即委員督同地方官弁竭力上緊搜捕據報旋經撲滅並未飛騰蔓延為害除飭令各屬加意查看防範外理合一併奏明仰祈

皇上睿鑒謹

奏

二麥有收蝗不為災以手加額覽焉

欽定四庫全書

硃批諭旨
卷一百三十三

二十

同日又

奏為謹陳南糧有關兵食特請另定催徵處分以免遲誤事竊照江蘇各屬地丁項下編徵本色米豆共三十二萬五千三百餘石內除起運白糧及應解江寧省倉并支給局匠恤孤口糧外實該撥充下江兵糧米一十萬二千二百餘石查江省田地編徵本色米石雖有漕白兵行局恤之分而民間原係一條鞭輸納各州縣均屬統徵分解每於本

年開徵之後先將漕白二糧按數兌運不敢稍有掛欠而其餘未完米石總歸入兵局等項下遂視為解南之款可以從緩即不上緊催徵糧戶亦因而拖欠胥役復乘機包侵以致完解愆期臨時屢請改撥常虞不敷臣思各營兵米與夫局匠恤孤口糧等項均係計日授食勢在必需所以預年徵輸撥派豈容令其枵腹以待設有缺誤所關匪細伏查雍正五年浙省因南秋等米徵解不前

欽定四庫全書

硃批諭旨
卷一百三十三

二十二

題准將未完各官改照漕白之例議處年來俱克依限完解接濟此臣任杭州府時職司收放省倉兵米目覩行有成效今江省事同一轍似亦應將地丁項下編徵之解南白糙二糧鳳場局恤以及各項裁克陞增并衛屯米豆等款俱請以雍正十年為始於該年地丁

奏銷時另造本色餉款一冊開列經接催徵各官職名完欠分數另請照依漕白糧議處其雍正十年

以前舊欠亦照浙省遵行之例分別勸懲庶軍需不致遲誤而催徵各官知所做惕是否可行仰祈聖鑒抑臣更有請者查下江原編南米當日派徵之際酌籌經費自必寬裕惟因邇年如京口隨旗水師二營向食鎮屬之截留漕糧今留漕仍歸起運以及各標營俱有新添兵丁其糧米悉取給於此內如遇閏之年計共需兵米一十一萬二千八十石零茲編徵兵米原額僅一十萬二千餘石已不敷經制估計之數雖尚有建贖應扣并將減存揚倉以及虧欠追完之米可湊撥充放然究屬零星無多且催徵年額勢難全數通完是兵米一項務須預備有餘方為萬全可否於雍正十年徵收漕米時內酌留五萬石以資遞年添補支放如有多餘即存為備儲似於兵食有濟臣因江省撥解兵米每致周章用是謬陳管見未敢冒昧具

題如蒙

欽定四庫全書

硃批諭旨
卷一百三十三

二十三

天恩俞允容臣檄行布政司備細分析查詳會疏

題請伏乞

皇上訓示遵行謹

奏

會同督臣尹繼善具疏題請

同日又

奏為奏明事竊臣於本年正月內訪聞常郡陽湖縣

地方有周天祚倡為大成教名色騙惑鄉民從者

欽定四庫全書

硃批諭旨
卷一百三十三

二十三

頗眾因即密諭常州府知府魏化麟細加查察旋據該府稟稱親至周天祚家搜出圖像經懺等物訊據該犯供稱前因伊子周文惠在糧船上做裁縫路過天津遇有大成教頭周士成授以此教每逢上元中元下元等日眾人各出分金做會如素誦經除去會費之外湊銀十兩或五兩寄送天津去與周士成拜懺並無造作妖言等語臣隨檄行按察司嚴究有無惑眾不法各實情一面移咨直

隸督臣提拏周士成赴蘇質訊嗣准直隸督臣咨據天津縣拏獲周士成并搜出摺二扣經七部書札稿一本一同移解到蘇當發常州府嚴訊確供去後茲據該府詳報研審周士成供稱這大成教小的聽得從前師父周尚禮說是一个名叫石伸起的遞相傳流下來看的是羅門經喫長齋勸人為善每年各處的人來做會拜懺原要費幾十兩銀子餘剩的積貯在那裏做此好事等語并據該

府稟稱摺內所開有陽湖江陰宜興無錫四縣以及蘇州鎮江揚州淮安徐州各屬竝上江之鳳陽泗州天長浙江之山陰等處俱有教內頭領姓名等因前來臣查羅教名色久奉嚴禁今周士成等仍然倡為大成教頭做會拜懺因襲邪說煽惑愚民附和景從者聲氣蔓延數省若不亟為究除恐日後漸生事端第摺內所開姓名人數頗多其中或係無知被惑且散居各省若盡行提拏到蘇質

審又未免株累驚擾除飭按察司將見在拘獲之周士成周天祚等訊明定擬外其餘摺內有名入等似應按籍分咨檄行各該地方官就近分別查究禁除庶邪教永可杜絕愚民不致驚擾應否如斯伏候

聖訓欽遵謹

奏

據奏附和人等蔓延數省自應按籍分咨俾各就近查

究庶不致驚擾地方所見是照議施行可也

雍正十年七月十三日通政司右通政署理蘇州

巡撫臣喬世臣謹

奏為奏明事竊照江南文武鄉試例係上下兩江輪值其監臨提調監試亦俱屬按科分任今歲壬子科文闈應由下江料理臣查江寧省城止江安糧道驛鹽道二員而糧道王恕於春間即押漕船前往濟寧一帶夏仲始得回南場前數月提調大員

有應預行查辦事件是以先經遴委驛鹽道陳宏謀為提調常鎮道王之琦為監試咨明禮部在案今准部咨議覆江西署布政使李蘭條奏各省鄉試仍令藩臬兩司協同點名等因臣思各省藩臬兩司竝居同城是以部議稱鄉試點名通計三場為期不過三日事畢即可回署此原指在省之藩臬而言今江省棘闈建設江寧其駐劄本城者惟上江藩司他如上江臬司則在安慶下江藩臬兩

欽定四庫全書

硃批諭旨
卷一百三十三

二十五

司又均在蘇州相距俱遠伏念提調監試欽奉

諭旨以藩臬為閩省錢穀刑名總匯在場一月有餘恐

致公事遲誤是以祇用道員今若因點名一節令

不同城之藩臬亦行分任雖點名止需三日而往

返千有餘里統計回署之期已及兼旬似屬未便

且臣赴省監臨蘇郡地方緊要亦必得藩臬大員

彈壓督察在江寧藩司駐劄本城應無分上下輪

值科分俱可令就近協同點名此外尚須再委一

員查現今江安糧道王恕已報回署自可共任其事至嗣後江省凡遇鄉試似亦止須屆期酌委就近大員一人與在江寧藩司協同提調監試點名其安慶之上江臬司蘇州之下江藩臬兩司均免其赴省分任庶不致因往返遲誤公務緣闡期已迫除咨禮部外理合繕摺

奏明伏乞

皇上睿鑒謹

欽定四庫全書

硃批諭旨
卷一百三十三

二十七

奏

覽奏知道了備將情由咨明該部

同日又

奏為縷陳下情仰籲

天恩事竊臣以至微極賤荷蒙

皇上洪恩署理蘇州巡撫印務復邀

賞給養廉銀兩舉家老幼無不沾被

天澤感激靡涯祇緣江蘇地處衝繁所需一切日用支